

319

AD QVODLIBETARIAM.

QVÆSTIO MEDICA. MATVTINIS DISPVATIONIBVS

DISCVTIENDA IN SCHOLIS MEDICORVM, DIE IOVIS TERTIA DECEMB. MAGISTRO
FRANCISCO GVENAVLT, DOCTORE MEDICO, MODERATORE.

An epilepsia aetatis mutatio?

CONTRARIORVM subiectum idem. Homo felicitatum omnium capax, miseriarum subiectum primum. Felicitas summa sanitas perfecta; maxima miseria morbus. Hic vnicam, plures, omnes interdum partes occupat. Idem quouis anni tempore, cuiuslibet aetatis & regionis hominem inuadit. Quauis aetas & regio, suos habet congeneres morbos; quælibet tēpestas suos. Hyems pleuritides, peripneumonias, lethargos, grauedines, raucedines, tusses, cephalalgias, vertigines, apoplexias. Ver lepras, impetigines, vitiligines, pustulas vlcerosas, tubercula, articularum dolores. Aestas febres continuas & ardentes, tertianas, vomitiones, alui profluvia. Autumnus lienis tumores, vrinae difficultates, febres quartanas & erraticas, insaniam, melancholiam, epilepsiam, in quā nihil diuinum, nihil occultum.

HÆC, nobilem humani ingenij arcem, eiusque loculos inuadens, cum mentis & sensuum læsione periodicā, totam corporis molem (quibus ab *ἐπιληψία* & *μανία*, distinguitur) in affectu principij consensum trahit ac conuellit. Nec modo vno, sed quibus potest insidijs exitium homini machinatur: modò causæ morbificæ in ipsomet cerebro congestione ob propriam ipsius intemperiem: modò eiudem à cæteris partibus propagatione, aut simplici ipsius cerebri cum illis communicatione. Illa idiopathica, hæc (cuius quāquam illius curatio facilior) sympathica nominatur.

RIGIDVM cerebro neruossique partibus inimicum Id seu natiuum seu occurrans extrinsecus, frigidiora edulia, somni longiores, otiosi torpores, suppressæ solitæ euacuationes hunc affectum creare solent, cuius velox generatio, citâ quædā discussio crassum humorem spirituum meatuum ac cerebri ventriculos (quorum potius quāam ipsius parenchymatis affectus est) obstruentem arguit, neruorum principio seipsum quatiente quò molestum excutiat; Nullus hîc ariditati; nullus inanitioni locus. Quòd si temperamenti accedat immutatio, ac humidum in siccum, frigidum degeneret in calidum quidni benè? vt nulla contingat frigidi humoris generatio, aut iam genitus coquatur, dissipetur, euacuetur.

EPILEPSIA correpti non sentiunt quicquam, loquuntur, vident, audiunt. His distorquentur oculi, calcitrant pedes, brachia contrahuntur. Quòd si eò processerit malum, vt cadentes clament, dentibus strideant, spument, inuoluntariè stercus, vrinam, semen emittant, & nerui resoluantur conclamatum est. Quibus à puero morbus contigit simulque ad virilem aetatem peruenit difficilius liberantur: tūm quibus corpore in aetatis vigore constituto, accidit: mox, vbi incerta pars est à quā morbi causa procedat. Quòd si à capite, latere, manu aut pede, facilior erit sanatio; à pede aut manu facilis; à latere difficilior; à capite difficillima: faciliortamen si æger aetatem cum hac verò temperiem permutarit.

VIC ante omnes obnoxij sunt pueri (ac inter hos recens in lucem editi, qui vt plurimum moriuntur) post hos adolescentes, ab his aetate constantes; minimè omnium senes & decrepiti. Cui soluendo non amuleta, scripta, figura, characteres, ter insusurrata tria carmina, annuli ex Alces vngula, non balnea vsquam profuere. Sed digenerationia, incidentia, reuellentia. Reuellunt clysteres, venæ sectio, cauteria superiori ceruicis parti admota, extremorum frictiones, vincula dolorifica, cucurbitulae scapulis appositæ. Incidunt syrupus de Hysso & de stœcade. Digunt oleum rutaceum, irinum, anethinum; quibus nihil proficientibus sola proderit aetatis mutatio.

Ergo epilepsia aetatis mutatio.

Asserebat LVDOVICVS ROBILLART Parisinus, anno R. S. 1615.

DOMINI DOCTORES DISPVATVRI.

*M. Gabriel Biart
M. Ioannes Degoria Med. Reg.
M. Renatus Chartier Med. Reg.*

*M. Franciscus Placet.
M. Andreas du Chemin.
M. Georgius Arbault.*

*M. Quirinus le Vignon Decanus.
M. Dionysius Guerin.
M. Guillelmus de Baillon.*